



БАЯНХОНГОР АЙМГИЙН
ЖИНСТ СУМЫН ИРГЭДИЙН ТӨЛӨӨЛӨГЧДИЙН
ХУРЛЫН ХУРАЛДААНЫ ТОГТООЛ

2024 оны 12 сарын 26 өдөр

Дугаар 2/08

Бодь

Сумын Засаг даргын 2024-2028 оны
үйл ажиллагааны хөтөлбөрийг батлах
тухай


Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 35 дугаар зүйлийн 35.1.5, 48 дугаар зүйлийн 48.1, Хөгжлийн бодлого, төлөвлөлт, түүний удирдлагын тухай хуулийн 9 дүгээр зүйлийн 9.11.1 дэх заалтыг тус тус үндэслэн сумын иргэдийн Төлөөлөгчдийн Хурлын ээлжит 2 дугаар хуралдаанаас ТОГТООХ нь:

1.Сумын Засаг даргын 2024-2028 оны үйл ажиллагааны хөтөлбөрийг нэгдүгээр хавсралтаар, хөтөлбөрийн хяналт-шинжилгээ, үнэлгээний шалгуур, үзүүлэлт, зорилтот түвшнийг хоёрдугаар хавсралтаар тус тус баталсугай.

2.Үйл ажиллагааны хөтөлбөрийг хэрэгжүүлэх арга хэмжээний төлөвлөгөөг баталж хэрэгжүүлэхийг сумын Засаг дарга (Б.Алтанхуяг)-д үүрэг болгосугай.

3.Тогтоолын хэрэгжилтэд хяналт тавьж ажиллахыг сумын иргэдийн Төлөөлөгчдийн Хурлын Нарийн бичгийн дарга (М.Ган-Эрдэнэ)-д даалгасугай

ДАРГА



Д.НАРАНБААТАР

642401035

ЖИНСТ СУМЫН ЗАСАГ ДАРГЫН 2024-2028 ОНЫ ҮЙЛ АЖИЛЛАГААНЫ ХӨТӨЛБӨР

Нэг. ХӨГЖЛИЙН БОДЛОГО

1.1.Иргэдийн амьжиргааны түвшнийг дээшлүүлж орлогыг нэмэгдүүлнэ.

1.1.1.“Уламжлалт мал аж ахуй, аялал жуулчлалыг хөгжүүлнэ”

1.1.1.1.Үндэсний өв, нүүдлийн соёлыг түгээн дэлгэрүүлж, орон нутгийн онцлогт тохирсон брэнд бүтээгдэхүүн, үйлчилгээний нэр төрлийг нэмэгдүүлэн шашин, соёл, спорт, тусгай сонирхлын зэрэг дөрвөн улирлын аялал жуулчлалыг хөгжүүлнэ.

1.1.1.2.Аялал жуулчлалын дотоодын маркетинг, сургалт, сурталчилгааг өргөжүүлнэ.

1.1.1.3.Ингэний сүүний фермерийн үйл ажиллагааг төр, хувийн хэвшлийн түншлэлээр эрчимжүүлж, ингэний сүү нийлүүлэх үйл ажиллагааг эхлүүлнэ.

1.1.1.4.Орон нутгийн онцлогт тохирсон цөм сүргийг үржүүлэх ажлыг эрчимжүүлнэ.

ХОЁР. ХҮНИЙ ХӨГЖЛИЙН ҮЗҮҮЛЭЛТИЙГ САЙЖРУУЛНА.

2.1. Сурч, хөгжих ая тухтай орчныг бүрдүүлж, эрдэм боловсролтой, эрүүл иргэнийг төлөвшүүлнэ.

2.1.1.Гэр бүлийн хөгжил хамгааллыг сайжруулна

2.1.1.1.Залуу гэр бүлийг орон нутагт амьдрах боломжоор хангаж, боловсон хүчнийг тогтвор суурьшилтай ажиллах нөхцөлийг бүрдүүлнэ.

2.1.1.2.Гэр бүлд чиглэсэн бүтээгдэхүүн, үйлчилгээ бий болгосон төрийн болон төрийн бус, хувийн хэвшлийн аж ахуйн нэгж, байгууллагыг дэмжинэ.

2.1.1.3.Гэр бүлийн хүчирхийллийг бууруулах, хүчирхийллийг үл тэвчих хандлагыг төлөвшүүлнэ.

2.1.1.4.Эрэгтэйчүүдийн дундаж наслалтыг нэмэгдүүлэх чиглэлээр нийгмийн эрүүл мэндийн тусламж үйлчилгээний чанарыг сайжруулна.

2.1.1.5.Орон нутгийн боловсон хүчний бодлогыг боловсруулан шаардлагатай мэргэжилтнүүдийг сургаж бэлтгэхэд дэмжлэг үзүүлнэ.

2.1.1.6.Иргэд олон нийтийг соён гэгээрүүлэх зорилтот сургалтуудыг үе шаттайгаар зохион байгуулна.

2.1.2.Хүүхдийн эрүүл аюулгүй орчны стандартын хангалтыг нэмэгдүүлнэ.

2.1.2.1.Хүүхдийн эрүүл аюулгүй орчинд амьдрах, сурч, хөгжих, хамгаалуулах, оролцох эрхийг хангана.

2.1.2.2.“Хонгорын хүүхэд” хөтөлбөрийн хэрэгжилтийг хангаж төр, хувийн хэвшил, гэр бүл, олон улсын төсөл хөтөлбөрийн байгууллагуудтай хамтран ажиллана.

2.1.2.3.Цэцэрлэг, сургуулийн үдийн хоолны стандартыг мөрдөж шим тэжээлээр баялаг хүнс, "Өдөр бүр нэг аяга сүү"-гээр хангана.

2.1.2.4.Боловсролын байгууллагуудын биеийн тамирын гадна талбайн орчныг сайжруулна.

2.1.2.5.Ерөнхий боловсролын сургуулийн дотуур байрны орчин, үйлчилгээний чанарыг сайжруулж, хүний эрхэд ээлтэй дотуур байр бий болгохыг дэмжинэ.

2.1.3.Залуучуудын оролцоог нэмэгдүүлнэ.

2.1.3.1.Залуучуудын хөдөлмөр эрхлэлтийг дэмжинэ.

2.1.3.2.Залуучуудын чөлөөт цагийг өнгөрүүлэх, хөгжих боломжит нөхцөлөөр хангахад чиглэсэн үйл ажиллагааг дэмжиж ажиллана.

2.1.4.Ахмад настны нийгэм эдийн засгийн байдлыг сайжруулна.

2.1.4.1.Ахмад настан, зорилтот иргэдэд үзүүлэх үйлчилгээг хөгжүүлж төр, хувийн хэвшил, төрийн бус байгууллагын оролцоог дэмжинэ.

2.1.4.2.Ажилтныг тэтгэвэрт гарахад бэлтгэх, ахмад настны хөгжил, хамгааллыг сайжруулах санал, санаачилгыг дэмжинэ.

2.1.4.3.Ахмадуудын эрүүл идэвхтэй амьдралыг дэмжих орчин нөхцөлийг сайжруулна.

2.1.5.Хөгжлийн бэрхшээлтэй иргэдийн нийгэм эдийн засгийн байдлыг сайжруулна.

2.1.5.1.Хөгжлийн бэрхшээлтэй иргэдийн хөдөлмөр эрхлэх, орлого олох боломжийг нэмэгдүүлнэ.

2.1.6.Хөдөлмөр эрхлэлтийг дэмжиж өрхийн орлого /Ажлын байр/-г нэмэгдүүлнэ.

2.1.6.1.Амьжиргааны баталгаажих түвшнээс доогуур орлоготой иргэдийн хөдөлмөр эрхлэлтийг нэмэгдүүлнэ.

2.1.6.2.Тогтвортой ажлын байрыг бий болгож жижиг, дунд, хувиараа хөдөлмөр эрхлэгч, аж ахуйн нэгжүүдийн ажлын байрыг нэмэгдүүлнэ.

2.1.6.3.Нийгмийн даатгалын хамрах хүрээг өргөтгөж, сайн дурын үйлчилгээг даатгуулагчийн эрэлт, хэрэгцээнд нийцүүлэн цахимаар авах боломжийг бүрдүүлнэ.

2.1.6.4.Халамжаас хөдөлмөрт шилжих бодлоготой уялдуулан зорилтот бүлгийн иргэдийн хөдөлмөр эрхлэлтийг дэмжинэ.

2.1.6.5."Шинэ хоршоо хөдөлгөөн"-ийг үргэлжлүүлж, "Чинээлэг малчин" хөтөлбөрийг хэрэгжүүлнэ.

2.1.7.Инженерийн дэд бүтцээр хангагдсан өрхийн тоог нэмэгдүүлнэ.

2.1.7.1.Улс болон Орон нутгийн төсвийн хөрөнгө оруулалтаар зайлшгүй шаардлагатай тоног төхөөрөмж шинэчлэх, барилга байгууламж өргөтгөх ажлыг үе шаттайгаар хэрэгжүүлнэ.

2.1.7.2. Улс, аймгийн газар зохион байгуулалтын ерөнхий төлөвлөгөөтэй уялдуулан сумын хөгжлийн ерөнхий төлөвлөгөөг боловсруулан хэрэгжүүлнэ.

2.1.7.3. Сумын гэр хорооллын айл өрхийг төвлөрсөн цэвэр, дулаан, бохир усны шугам сүлжээнд холбох ажлыг хэрэгжүүлнэ.

2.1.7.4. Газар зүйн нэрийн тодруулалтын ажлыг хийнэ.

2.2. Хүн амын дундаж наслалтыг нэмэгдүүлнэ.

2.2.1. Халдварт болон халдварт бус өвчлөлийг бууруулна

2.2.1.1. Хүн амын өвчлөл, нас баралтын тэргүүлэх шалтгааныг бууруулан, иргэдийн эрүүл мэндийг дэмжиж, “Эрүүл иргэн – Хонгорын баялаг” арга хэмжээг хэрэгжүүлнэ.

2.2.1.2. Эрт илрүүлгийн үзлэгт хамрагдалтыг нэмэгдүүлэхэд салбар дундын оролцоо, хамтын ажиллагааг сайжруулна

2.2.1.3. Иргэдийн эрүүл мэндийн мэдээллийн санг үүсгэж, бүх шатлалын эмнэлгүүдийн оношилгоо, эмчилгээний мэдээллийг дотоодод цахимаар солилцох тогтолцоог бүрдүүлнэ.

2.2.1.4. Сумын эрүүл мэндийн төвийн тусламж үйлчилгээний чанар, хүртээмжийг нэмэгдүүлнэ.

2.2.1.5. Эрүүл мэндийн тусламж үйлчилгээний чанар, хүртээмжийн байдалд хяналт тавих иргэн-даатгуулагчийн оролцоог нэмэгдүүлнэ.

2.2.1.6. Иргэдийн эмийн гаж нөлөө, зөв зохистой хэрэглээний талаарх мэдлэгийг нэмэгдүүлж, мэргэжлийн байгууллагуудын хамтын ажиллагаа, оролцоог хангана.

2.2.2. Амьдралын зөв дадал хэвшилтэй иргэдийн тоог нэмэгдүүлнэ.

2.2.2.1. Хүн амын бие бялдрын хөгжлийг хянах цахим технологи, өгөгдлийн системийг хөгжүүлж, нийтийн биеийн тамир, спортын орчны хүртээмжийг сайжруулна.

2.2.2.2. Идэвхтэй хөдөлгөөн, чийрэгжүүлэх дасгал, эрүүл амьдралын хэв маягийг дэмжсэн зориулалтын зам, талбай байгуулна.

2.2.2.3. Орон нутгийн нөөцөд түшиглэсэн олон төрөлт спортыг хөгжүүлнэ.

2.2.2.4. Улс, аймаг, бүсийн чанартай уралдаан тэмцээнд амжилт, гаргасан багш, сурагч, иргэн, залуучуудад дэмжлэг үзүүлж ажиллана.

2.2.3. Иргэдийн эрүүл аюулгүй амьдрах орчныг сайжруулна.

2.2.3.1. Хүнсний зориулалтын бус савны хэрэглээг бууруулна.

2.2.3.2. Өсөн нэмэгдэж байгаа цахилгаан эрчим хүчний хэрэглээнд тулгуурлан станцын хүчин чадал, шугамын өргөтгөлийн ажлыг төлөвлөж, үе шаттайгаар шийдвэрлэнэ.

2.2.3.3. Үүрэн холбооны сүлжээнд холбох ажлыг үе шаттайгаар зохион байгуулна.

2.2.3.4. Стандартын шаардлага хангасан нийтийн ариун цэврийн байгууламж байгуулна.

2.3.Боловсролын чанарыг дээшлүүлнэ.

2.3.1.Боловсролын чанарыг тэгш хүртээмжтэй болгоно.

2.3.1.1.Хүүхэд бүрийг сургуулийн өмнөх болон ерөнхий боловсролд хамруулж, сурах орчин нөхцөлийг бүрэн шийдвэрлэж, бүлэг дүүргэлтийг стандартын түвшинд барина.

2.3.1.2.Багшийн ажлын бодит үнэлэмжийг нэмэгдүүлж, мэргэжлийн нэр хүндийг өсгөхийн зэрэгцээ хариуцлага, ур чадварыг дээшлүүлж, хөгжлийг дэмжинэ.

2.3.1.3.Насан туршийн суралцахуйн төвийн үйл ажиллагааг дэмжиж, иргэн бүр суралцах тэгш боломжийг бүрдүүлнэ.

2.3.1.4.Мэргэжлийн болон техникийн боловсролын сургалтын агуулгыг орон нутгийн эрэлт хэрэгцээнд тулгуурлан хамтын ажиллагааг хөгжүүлнэ.

2.3.1.5.Хамран сургах тойргийн сурагчдыг нэмэгдүүлнэ.

2.3.1.6.Мэргэжлийн багш нарыг тогтвор суурьшилтай ажиллуулахад дэмжлэг үзүүлнэ.

ГУРАВ.ЭДИЙН ЗАСГИЙН БОДЛОГО

3.1.Эдийн засгийн хөгжлийн тогтвортой бодлогыг хангана.

3.1.1.Сумын орон нутгийн орлогын хэмжээг нэмэгдүүлнэ.

3.1.1.1.Татварын орлогын бааз суурийг үе шаттайгаар нэмэгдүүлнэ.

3.1.1.2.Хөгжлийн зорилт, төсвийн уялдааг хангасан үр дүнд суурилсан төсөвлөлтийг нэвтрүүлнэ.

3.1.2.Хөдөө аж ахуйн газар тариалан бэлчээрийн менежментийг сайжруулна.

3.1.2.1.Малын гаралтай түүхий эд, мах бэлтгэх, анхан шатны боловсруулалт хийх хоршоог орон нутгийн түвшинд хөгжүүлнэ.

3.1.2.2.Мал амьтны халдварт, гоц халдварт өвчнөөс урьдчилан сэргийлэх ажлыг сайжруулна.

3.1.2.3.Бэлчээрийг зүй зохистой ашиглах, хамгаалах, сайжруулах ажлыг эрчимжүүлнэ.

3.1.2.4.Өрхийн тариалан эрхлэлтийг нэмэгдүүлэх ажлыг үе шаттай зохион байгуулна.

3.1.2.5.Сумын аюулгүй нөөцийн өвс, тэжээлийг нэмэгдүүлэх чиглэлээр хувийн хэвшилтэй хамтран ажиллах, агуулах засварлах.

3.1.2.6.Худаг ус цэгийн хайгуул хийлгэж уст цэгийн тоог нэмэгдүүлж бэлчээрийн усан хангамжийг нэмэгдүүлнэ.

3.1.3.Үндэсний соёлын урлагийг түгээн дэлгэрүүлнэ.

3.1.3.1.Соёлын өвийн баялаг байдлыг олон талт агуулгаар баяжуулж, хүүхэд залуучуудад өвлөн уламжлуулж, сурталчлан таниулж, түгээн дэлгэрүүлнэ.

3.1.3.2.Номын сангийн үйлчилгээг өргөжүүлж, сан хөмрөгийг баяжуулан, үндэсний цахим мэдээллийн санд нэгдэж, иргэн бүрийн ном унших дадал, хэвшлийг нэмэгдүүлнэ.

3.1.3.3.Орон нутгийн хамгаалалтад байгаа түүх, соёлын дурсгалуудыг тэмдэгжүүлэх, хадгалалт хамгаалалтыг сайжруулах ажлыг зохион байгуулах

3.1.3.4.Соёлын өв тээгчдийн тоог нэмэгдүүлэн, шагнаж урамшуулахад дэмжлэг үзүүлнэ.

3.2.Байгаль орчны доройтлыг бууруулна.

3.2.1.Ногоон байгууламжийн талбайн хэмжээг нийт газар нутгийн хэмжээнд нэмэгдүүлнэ .

3.2.1.1."Тэрбум мод" үндэсний хөдөлгөөнийг эрчимжүүлнэ.

3.2.1.2.Ойн хээрийн түймрээс урьдчилан сэргийлэх, хамгаалах менежментийг сайжруулна.

3.2.2.Усны нөөцийн ашиглалтыг сайжруулна.

3.2.2.1.Байгалийн тогтоц, голын татамд хур тунадас, хайлсан цас, мөсөөр хөв цөөрөм байгуулж, гадаргын усны хуримтлалыг бий болгоно.

3.2.2.2.Усны нөөцийн нэгдсэн менежментийг хэрэгжүүлж, усны үнэ цэнэ, үнэлэмжийг нэмэгдүүлэн ашиглалт, хэрэглээг сайжруулна.

3.2.2.3.Хүн амыг шаардлага хангасан ундны усаар хангах хайгуул судалгааны ажлыг шаардлагатай багуудад хийж гүйцэтгэнэ.

3.2.3.Хүрээлэн буй орчны бохирдол, доройтлыг бууруулна.

3.2.3.1.Улсын болон орон нутгийн тусгай хамгаалалттай газар нутгийн менежментийг сайжруулна.

3.2.3.2.Энгийн болон аюултай хог хаягдлыг хүний эрүүл мэнд, байгаль орчинд сөрөг нөлөөлөлгүйгээр цуглуулах, хадгалах, ангилан ялгах, тээвэрлэх, устгах оновчтой менежментийн тогтолцоог бүрдүүлнэ.

3.2.3.3.Уул уурхайн үйл ажиллагааны улмаас эвдэрч орхигдсон газруудыг нөхөн сэргээнэ.

3.2.3.4.Биологийн олон янз байдлыг хамгаалах замаар амьтдын амьдрах орчныг сайжруулна.

3.2.3.6.Хөрсний бохирдлыг бууруулна.

ДӨРӨВ.ХҮНИЙ ЭРХИЙГ ДЭЭДЭЛСЭН ЗАСАГЛАЛЫН БОДЛОГО

4.1.Төрийн үйлчилгээний чанар, хүртээмжийг сайжруулж, иргэдийн сэтгэл ханамжийг нэмэгдүүлнэ.

4.1.1.Хүний эрхийн зөрчлийг бууруулна.

4.1.1.1."Монгол Улсад Хүний эрхийг хангах үндэсний II хөтөлбөр"-ийг хэрэгжүүлж бүх нийтийн эрх зүйн боловсролыг дээшлүүлнэ.

4.1.1.2.Жендер ба хөгжил хандлагыг төлөвшүүлнэ.

4.1.1.3.Кибер аюулгүй байдлыг хангах талаар иргэдийн мэдлэг, хандлагыг төлөвшүүлнэ.

4.1.1.4.Төр, хувийн хэвшил, иргэний нийгмийн байгууллагуудын түншлэл, хамтын ажиллагааг сайжруулна.

4.1.2.Шударга байдлын түвшнийг нэмэгдүүлнэ.

4.1.2.1.Авлигатай тэмцэх үндэсний хөтөлбөрийг хэрэгжүүлж, авлига, ашиг сонирхлын зөрчлөөс сэргийлэх, соён гэгээрүүлэх ажлыг үе шаттай зохион байгуулна.

4.1.3.Гэмт хэрэг, зөрчлийг бууруулна.

4.1.3.1.Гэмт хэрэг, зөрчлөөс урьдчилан сэргийлэх, эрүүл, аюулгүй орчныг бий болгох зорилгоор камерын хяналтын нэгдсэн системийг бүрэн нэвтрүүлж, иргэдийн аюулгүй байдлын түвшнийг нэмэгдүүлнэ.

4.1.3.2.Согтууруулах ундааны эргэлтэд тавих хяналтыг сайжруулж, архидан согтуурахтай тэмцэх, урьдчилан сэргийлэх ажлын эрчимжүүлнэ.

4.1.4.Төрийн албан хаагчдын бүтээмжийг нэмэгдүүлнэ.

4.1.4.1.Төрийн албан хаагчдын сургалт, нийгмийн баталгаа, хүний нөөцийн стратегийг боловсруулж, чадавхыг бэхжүүлнэ.

4.1.4.2.Төрийн байгууллагуудын төрөөс баримтлах бодлого шийдвэрийн хэрэгжилтийг хангуулах, тайлагналт, хяналтын тогтолцоог сайжруулна.

4.1.4.3.Төлөвлөлт, хэрэгжилт, хяналт-шинжилгээ, үнэлгээний цахим санг хөгжүүлэн, байгууллага, албан хаагчдын гүйцэтгэлийн үнэлгээг ил тод болгоно.

4.1.4.4.Төрийн үйлчилгээг цахимжуулна.

4.1.4.5.Нэг аймаг - нэгдсэн стандарт хөтөлбөрийг орон нутгийн түвшинд хэрэгжүүлнэ.

4.1.4.6.Багийн төвүүдийн засварыг шат дараатай шийдвэрлэнэ.

4.1.5.Төрийн байгууллагын мэдээллийн ил тод байдлыг хангана.

4.1.5.1."SHILEN.GOV.MN" нэгдсэн системд нээлттэй мэдээллийг байршуулж, төрийн байгууллагын мэдээллийн ил тод байдлыг хангана.

4.1.6.Архивын баримтын хадгалалт хамгаалалт аюулгүй байдлыг хангана.

4.1.6.1.Төрийн болон байгууллагын архивын баримтыг бар коджуулах систем нэвтрүүлэх, баримтын бүрдүүлэлт, цахим сангийн шилжүүлэлт, ашиглалт ажлыг эрчимжүүлэх, хадгалалт хамгаалалт аюулгүй байдлыг хангана.

4.1.7.Гадаад харилцааг бэхжүүлнэ.

4.1.7.1.Хөрш орны хот, мужуудтай соёл, боловсрол, хөдөө аж ахуй, байгаль орчин, худалдаа, эдийн засаг зэрэг салбарт хамтын ажиллагааг хөгжүүлнэ.

4.1.8.Орон нутгийн батлан хамгаалах чадавхыг дээшлүүлнэ.

4.1.8.1.Орон нутгийн аюулгүй байдлыг хангахад бүх талын оролцоог нэмэгдүүлнэ.

4.1.8.2.Орон нутгийн хамгаалалтын томилгоот нэгжүүдийн бэлэн байдлыг хангах дайчилгааны төлөвлөлтийг боловсронгуй болгож, иргэдийн эх орноо хамгаалах бэлтгэлжилтийг дээшлүүлнэ.

4.1.9.Гамшгийн эрсдэлийг бууруулна.

4.1.9.1.Гамшгийн эрсдэлээс урьдчилан сэргийлэх менежментийг сайжруулна.

_____oOo_____